

遺契

二

服部文庫
417
2002
2





遺契

二言

三

三

三

三



417  
2002  
2





恒言

雋語

名言

託諭

賈上 汲冢周書。極賞則民賈其上。賈其上則

民無讓。命訓

拔毛之喻 同上。助余體民。無小不敬。如毛在

躬。拔之痛不省。程典

綱福 同上。諸侯莫大之綱福其也。鄂保

虎傳翼 同上 寤敬

縣：不絕。蔓：若何。豪末不掇。將成斧柯。 同

漢書引

傳引



上和寤

殷政若風草 同上。周公旦曰。嗚呼。殷政總

若風草。有所積。有所虛。和此如何。孔晁注。總

總亂也。有積有虛。言不平也。大聚

泉深木茂之喻 同上。泉深而魚鼈歸之。草木

茂而鳥獸歸之。

畋犬之喻 同上。譬若畋犬。驕用逐禽。其猶不

克有獲。作維

斧小之喻 同上。斧小不勝柯者已。史記

如尺 同上。遠人來驩。視道如尺。太子晉

二虎之喻 同上。二虎同穴。誰死誰生。周祝

猶若 荀子。子路趨而出。改服而入。蓋猶若也。

按說苑亦載此事。猶若作自如。互證可解。

濕易雨。饑易助。越絕書 本事

鼠壁之喻 同上。鼠忘壁。不忌鼠。請糴吳內

劍矛之喻 吳越春秋。截骨之劍。無削剝之利。

白鐵之矛。無分髮之便。勾踐入臣傳

狐雉相戲 同上。固君之命。狐雉之相戲也。夫



狐卑體而雉信之。故狐得其志。而雉必死。可不慎哉。勾踐歸國外傳

浴兒之喻 同上。今大王譬若浴嬰兒。雖啼無

聽宰嚭之言。

怨若怨焉

晉語

伯樂與尹鐸有怨

按此若與猶若之若例看。

察圖求驥 漢梅福傳。今不循伯者之道。迺欲以三代選舉之法。取當世之士。猶察伯樂之圖。求騏驎於市。而不可得。亦已明矣。

過是欲少味矣

後漢馬援傳

援語

秋霜檻羊

同上。廣陵王荆傳。當為秋霜。毋為

檻羊。注秋霜肅殺於物。檻羊受制於人。飛書語

搏手困窮

同上。龐參傳。搏手困窮。無望來秋。

注兩手相搏。言無計。參上書語

疽食

同上。虞詡傳。疽食侵淫。而無限極也。無傳

注通鑑安帝紀注。謂食者。言其侵食肌肉也。

白壁不可為容。多後福

同上。左雄傳。

虞詡上疏

噓枯吹生

英雄記。引張璠漢紀。載鄭泰說卓



管豹之先

云。孔公緒能清談高論。噓枯吹生。魏志孔佃下注

管窺虎。魏書論者之言。一似管窺虎。魏志注

食雞卵為嘲語。諸葛恪別傳。太子嘗嘲恪。諸

吳下恐脫志

葛元遜。可食馬矢。恪曰。願太子食雞卵。吳恪傳注

遠志當歸。晉五行志。魏明帝太和中。姜維歸

蜀。失其母。魏人使其母手書呼維令反。并送

當歸以譬之。維報書曰。良田百頃。不計一畝。

但見遠志。無有當歸。

穿鼻。通鑑齊東昏紀。徐孝嗣聽人穿鼻。注言

畝母聲通

如牛然。聽人穿鼻。而受制於人。

騎虎之勢。必不得下。唐獨孤夫人言

門外車軼深。韓詩外傳。接輿妻曰。先生少而

為義。豈將老而遺之哉。門外車軼何其深也。

第二

指沸卵石抱羽赴火之喻。同上。夫以跖而詐

桀。猶有工拙焉。以桀詐堯。如以指撓沸。以卵

投石。抱羽毛而赴烈火。入則焦也。夫何可詐。

繭絲卵離之喻。同上。繭之性為絲。弗得女工



燔以沸湯。抽其統理。不成為絲。卵之性為雛。不得良雞覆伏孚育。積日累久。則不成為雛。

第五

兩瞽相扶 同上。兩瞽相扶。不傷墻木。不陷井

窞。則其幸也。

無為 同上。齊崔杼弑莊公。荆蒯芮使晉而反。死其事。僕曰。云二自刎于車上。君子聞之曰。荆蒯芮可謂守節死義矣。僕夫則無為死也。猶飲食而遇毒也。第八

按無<sup>為</sup>猶無益。左傳范武子曰。無為吾望尔也乎。例看。古書間有之。若詩中無為在岐路。兒女共沾巾。亦同。

操杓飲江海捧土附泰山 同上。子貢曰。若臣之事仲尼。譬猶渴操壺杓。就<sup>江</sup>海而飲之。腹滿而去。又安知<sup>江</sup>海之深乎。又曰。臣譽仲尼。譬猶兩手捧土而附泰山。其無益亦明矣。使臣不譽仲尼。譬猶兩手把泰山。無損亦明矣。官怠於有成。病加於小愈。禍生於懈惰。孝衰於



妻子。同上

逐禍之馬。同上。徼幸者。伐性之斧也。嗜欲者。

逐禍之馬也。第九

子張子夏論爭。同上。傳曰。孔子過康子。子張

子夏從。孔子入坐。二子相與論。終日不決。子

夏辭氣甚隘。顏色甚變。子張曰。子亦聞夫子

之議論邪。徐言問。威儀翼。後言先默。得

之推讓。魏乎。蕩乎。道有歸矣。小人之論

也。專意自是。言人之非。瞋目搯腕。疾言噴。

口沸目赤。一幸得勝。疾笑噬。威儀固陋。辭

氣鄙俗。是以君子賤之也。

事故有昧投而中。蟲頭掩目而別白黑者矣。

同上。第十

冬不數浴。非愛水也。夏不頻湯。非愛火也。同

上。第三

糞心。說苑。孟子曰。人知糞其田。莫知糞其心。

糞田。莫過利苗得粟。糞心。易行而得其所欲。

何謂糞心。博學多聞。何謂易行。一性止淫也。

今孟子無此語。又梁書處士傳。序云。孟子曰。今人之爵祿得之。若其生失之。若其死。今七篇無此語。



建本

吾不能以春風 = 人吾不得以夏雨 = 人 同  
上 貴德

人始入官如入晦室久而愈明 同上 政理

故見虎之尾而知其大於狸也見象之牙而知

其大於牛也 同上 尊賢

爵腐於酒肉腐於俎 同上

大冠如箕長劔柱頤 同上 指武

一圍之木持千鈞之屋五寸之鍵而制開闔豈

材足任哉。蓋所居要也。 同上 說叢

蚊蟲走牛羊。 同上

蒙 = 如未視之狗耳。 同上 雜言

得其人。如聚沙而雨之。 同上

秋蓬 同上。是猶秋蓬。惡於根本。而美於枝葉。

秋風一起。根且拔也。 敬慎

按詩人轉蓬字自此出。語亦頗俊。

朝衣新暮衣弊 桓談新論。楚之郢都。車掛轂。

民摩肩。市路相交。號為朝衣新而暮衣弊。

以下至畫漫錄  
漫抄說部



風流罪過 三國典略。郎基字世業。嘗語人曰。任官之取。木枕亦不須作。况重於此乎。唯頗令人寫書。樊子孟曾遺之書曰。在官寫書。亦是風流罪過。基答曰。觀過知仁。斯亦可矣。

郎當 後山詩話。楊大年愧儡詩云。鮑老當筵笑郭郎。笑他舞袖太。郎當若教鮑老當筵舞。轉更郎當舞袖長。語俚而意切。相傳以為笑。王灼碧雞漫志。郎當俗稱不整治也。

沒巴鼻 同上。熙寧初。有人自常調。上書迎合。

宰相意。遂丞御史。蘇長公戲之曰。有甚意頭。求富貴。沒些巴鼻。便姦邪。有甚意頭。沒些巴鼻。皆俗語也。

大根脚 元周密視聽抄。元係大根脚。今按大根脚。豪富意。

十石米有多寡 宋蔣津葦航紀談。韓彥古時為戶曹尚書。孝宗皇帝問曰。十石米有多寡。彥古對曰。萬合。千升。百斗。廿斛。遂稱旨。

鼈廝趨 張舜民畫墁錄。司馬溫公與龐元魯。



俱為張存龍圖塔。張夫人賢慧。龐頴公帥太原。溫公從辟。是年三十餘。未有子。龐公與劉夫人。欲有所置。劉發之。張欣然莫逆。未幾得之。凡歲幾朝。溫公未嘗眴眴。龐劉知之。必以主母在嫌。一日召張夫人賞花。溫公不出。食已具足。婢靚粧就書院供茶。溫公怫然曰。這下人。今日院君不在宅。尔出來作甚麼。明日頴公幕府白。司馬院丞却有祖風。謂相如卓氏也。縣□孫兆曰。司馬院丞可惜。不會彈琴。

却會鬪。聞者大咲。

惡言白 酉陽雜俎。南史言。宋明帝惡言。問金樓子言。子婚日。疾風雪下。幃幕變白。以為不祥。抑知俗忌白久矣。典篇

樓羅 同上。予在秘丘。嘗見同官說俗說樓羅。因天寶中進士有東西棚。各有聲勢。稍愴者多。會於酒樓。食畢羅。故有此語。予讀梁元帝風人辭云。城頭網雀。樓羅人著。則知樓羅之言起已多時。一云。城頭網張雀。樓羅人會著。



貶誤通雅云。樓羅即婁羅。黃朝英曰。梁元帝云。蘇鄂曰。騾大曰樓騾。顧觀傳云。蹲夷之儀。婁羅之辨。五代史劉銖傳云。諸君可謂婁羅兒矣。

大助 搜神記。按陶隱居冥通記。數有大助。欣然之言。蓋當時語。為大慶意。又按維摩經法供養品云。佛言善哉。天帝如汝取說。吾助尔喜。再見囑累品。當是與此助字例。漿水不交。後漢諒輔字漢儒。廣漢新都。

人。少給佐吏。漿水不交。為從事。大小畢舉。

如卿所夢。何期太的也。同上 謝奉

此何太適也。同上 蔣濟

遮莫 同上。張華試妖狐。曰我天生才智。反以

為妖。以犬試我。遮莫千試萬慮。其能為患乎。

諳委 山谷詩。白鷗入群。頗相委。謂諳識也。世

說。司馬徽人有委認。微猪者。退之與柳中丞

書。亦曰與賊不相諳委。山谷詩注者。政和辛卯。三江任子

工夫 同上。學要盡工夫。注南史王僧虔云。宋



南史隋文帝目  
陳後主曰此豈  
不由酒將作詩  
功夫何如思安時  
事

文帝書。天然勝於欣。功夫少於欣。孔毅父雜  
錄曰。工夫或作功夫。魏志王肅傳。泰極已前。  
功夫尚大。又莊子應帝王。晉易枝係下。郭  
註云。言此功夫容身不得。不足以比聖王。

關節梯媒。輟畊錄。杜陽雜編云。元載寵姬薛  
瑤英善為巧媚。載惑之。瑤英之父曰宗本。兄  
曰從義。於趙娟相迎出入。以構賄賂。號為關  
節。趙娟本岐王愛妾。後出為薛氏妻。生瑤英。  
三人更與中書主史卓倩等為腹心。而宗本

輩以事告者。載未嘗不領之。天下齎寶貨求  
大官。無不恃載權執。指薛卓為梯媒。又李肇  
國史補。總叙進士科云。造請權要。謂之關節。  
牛軛牛羊日曆云。由是輕薄奔走。揚鞭馳騫。  
以關節緊慢為甲乙。以此推之。則諺所謂打  
關節有梯媒者。不為無祖矣。

溫暾。同上。南人方言曰。溫暾者。乃懷暖也。唐  
王建宮詞。新晴草色煖溫暾。又白樂天詩。池  
水煖溫暾。則古已然矣。



不耐煩 同上。不耐煩三字見宋<sup>書</sup>庾登之弟仲文傳。

阿誰 同上。阿誰二字見三國志龐統傳。又

樂府詩云。家中有阿誰。

麤糟 同上。俗語以不潔為麤糟。

不快 同上。世謂有疾曰不快。陳壽作華佗傳亦然。

分疏 同上。人之自辯白其事之是否者。俗曰分疏。疏平聲。漢書袁盎傳。以不親為解。師古

注解者。若今分疏矣。北齊書。祖珽。高元海奏。珽不合作領軍。并與傅廣寧王交結。珽亦見帝。令引入自分疏。

噪 同上。凡六畜勞傷。則鼻中常流膿水。謂之噪病。又愛訐人之短者。亦謂之噪。

井珠之諭 同上。人欲娶妻而未得。謂之尋河覓井。已娶而料理家事。謂之搭雪填井。男婚女嫁。財禮奩具。種<sub>二</sub>不可闕。謂之投河奔井。凡納婢僕。初來時曰搗盤珠。言不撥自動。稍



久曰算盤珠。言撥之則動。既久曰佛頂珠。終日凝然。雖撥亦不動。

禪語驢年

傳燈錄。池州魯祖山寶雲禪師。尋

常見僧來。便面壁。南泉聞云。我尋常向僧道。

向佛未出時。會取。尚不得一箇半箇。他恁麼

地。驢年去。第七福州古靈神讚禪師。其師一日

在窻下看經。蜂子投函紙。求出。師覩之曰。世

界如許廣闊。不肯出。鑽他故紙。驢年出得。第九

齧鏃擬開口。驢年亦不會。第十一

仰山

登為即例。芥隱筆記。登殺。用唐律即時為登。

即時殺之也。律登時殺傷者勿論

又梁王僧辯傳。僧

辯繫獄。會岳陽王軍襲江陵。世祖遣左右往

獄問計於僧辯。二二具陳方略。登即赦為城

內都督。

彼上脫字

今按。詩肇彼桃蟲。將飛維鳥。鄭箋云。始者

信以彼管蔡之屬。雖有流言之罪。如鷦鳥

之小。不登誅之。後反叛而作亂。据此。則知

漢末已有此語。



喫餛亦醉。教坊記。蘇五奴妻。張少娘。善歌舞。亦姿色。有邀迓者。五奴輒隨之前。人欲其速醉。多勸之酒。五奴曰。但多與我錢。雖喫餛子亦醉。不煩酒。今呼鬻妻者為五奴。自蘇始。

將牢。丹鉛錄。晉載記。後秦諸將謂姚萇曰。若值魏武王。不令符登至今。階下將牢太過耳。魏武王乃姚襄。將牢猶俗言把穩。五代史。莊宗紀。亦有持牢之語。

能書不擇筆。見同上。又按後山談叢云。善

書不擇紙筆。

不審。釋氏要覽。僧史略云。如比丘相見云。不審。謂之問訊。律文。其卑者問尊。則云。不審。少病。少惱。起居輕利否。若上慰下。則云。不審。無病。無惱。乞食易得否。住處無惡伴否。後人省其言辭。乃止云。不審。大似歇後語也。

珍重。同上。釋氏相見將退。即口云。珍重。如此。方俗之安置也。言珍重。即是囑云。善加保重也。若卑至於尊。所尊長命坐。及受經後去。即



不云珍重但合掌俯首示敬也

凡釋氏致書俗人即不得言稽首頓首謂涉拜也 同上

燒鐘 祖庭事苑蜀僧云此蜀語也川人或譏人之無知則云燒鐘

久如 維摩經問疾品云居士是疾何所因起其生久如當云何滅觀衆生品云舍利弗言天止此室其已久如慧苑華嚴音義久如引衆生品久謂久近如謂如何 山谷詩上清

後數見

南有嘉魚所引見鄭箋

虛皇對久如任子淵注對久如謂奏對久之南有嘉魚詩承塵也塵然猶言久如也維摩經云二王介甫詩看雲坐久如

金槍馬變 同上阿閼品非淨非穢注生曰相好嚴身非其淨也金槍馬變亦非穢也

命過 四分律諸居士為命過父母及兄弟姊妹及夫婦男女於四衢道頭某二祭祀供養梵語解 宛委餘編毗嵐迅猛風也朱利草賊也婆利曲鈎也



椿萱擬父母 同上。今人以椿萱擬父母。當是元人傳奇起耳。大椿氏八千歲為春秋。以擬父。猶可。萱引詩語。言樹之背。殊不切。觀唐元微之詩。萱近北堂穿土早。宋丁會之草解忘憂。底事。則唐宋人必不萱擬母也。

枕石漱流 見蜀志彭萊傳。及槐武秋胡行。按四字。古人舊蓋為飾語。故數見。孫亦其初時依此。而自漱石一傳。遂至朽腐。不足復觀。

壘蠲 筆叢琴譜有壘蠲。謂二指後先齊下也。

槐當作魏

悻盧 通雅言愁鬱都盧之狀也。說苑景公畋梧丘。坐睡。夢五丈夫北面悻盧。唐人以撮口不快為都盧。此言悻。而都盧也。身體

相於 同上。相於猶阿與也。杜詩。良友幸相於。曹子建樂府曰。廣情故心相於。向以為相於二字如此。智閱孔北海集。與韋甫休書曰。間僻疾動。不得與足下岸幘廣坐。舉杯相於。以為邑。則漢末常語也。字書說。尔汝之汝。作女。二者相於之辭。後人借汝水以別之。方言

繁欽定情詩。  
何以結相於。金  
薄畫搔頭。



誣諛與也。荆秦曰諛與。猶秦晉言阿與。二二  
阿諛皆口聲。朴言之曰阿與。文言之曰相於。  
即如今人稱交好為相與。於字之轉也。釋詁  
掉磬。同上。見周禮介婦注云。二。庾氏云。齊人  
謂之差訐。崔氏曰。北海人謂相激之事為掉  
磬。云。二。今人訐辨謂之掉舌。或謂刁宥。刁即  
掉之轉。宥去聲。亦磬之轉也。同上  
擗揆挺桐。同上。以手狀之。淮南子曰。擗揆挺  
桐。世之風俗。言求利便之狀也。同上

握遞。同上。管子入國篇注。疾者兩手相拱著而

不伸曰握遞。同上

柴地為養。同上。陸龜蒙樵詩。能諳白雲養。注

太聲。山家謂柴地為養。木

生含。同上。通喚呻喚。轉為生含。今江北謂痛

楚作聲為生含。諺原

頓。同上。唐劉世讓曰。突厥數寇。良以馬邑為  
之中頓。注頓是食也。猶今言中火也。俗總以  
一煊為一頓。同上



按通鑑註。中頓者。謂中道有城有糧。可以頓食也。置食之。所曰頓。唐人多言置頓。

磨鉛

同上。音裕。今人有此語。五音譜。磨礮漸

銷曰鉛。同上

磊淳

同上。今吳方言有之。凡事物煩積而無

條理曰磊淳。智按今方語。皆作累堆。累字平聲。同上

絮 同上。方言以濡滯不決為絮。史浩兩鈔摘

膽曰。富鄭公偶疑不決。韓魏公曰。公又絮。劉

夷叔詞云。休絮 = 我。我自明朝歸去。同上

子細 北史源思禮傳。同上

東西 謂物曰東西。齊豫章王嶷傳。同上

畢賴 同上。餘冬序錄。雲南夷俗。牒言誣陷人。

曰畢賴之事。畢音灌。智謂灌。乃潑字之訛。今人猶有潑賴之語。京師謂物之行濫者曰畢

賴。亦潑賴之轉。同上

詮俗 同上。顧鄰初容座贅語所載詮俗。以言



兩挑之使動。或鬪鬪焉。曰繇。如繇。燈物寬緩  
不帖帖者。曰儻。音囊。去聲。南都言人物之長曰媯  
條。不聰敏曰勺鐸。音詔。道敗事曰郎當。人之谿  
刻曰跣落。音各。拉音曰窶數。同上

勝常 同上。老學菴筆記。王廣津宮詞云。見人

忘卻道勝常。二猶今言萬福也。前輩尺牘

有云。尊候勝常者。勝字平聲。同上

唐受 藏經音義。玉篇。唐。徒也。字書云。唐。虛也。

說文云。唐。大言也。第五

甫當始終 同上。甫始也。當終也。第九

敲 同上。敲。檠二形。同。丈。鞭。丈。莖。二反。三蒼。敲

撞也。通俗文。撞出曰杙。今之以木若鉄。撞出

孔中物。更補之。謂之敲。同上

貢高 同上。廣雅曰。貢上也。謂受貢上之國。自

恃尊貴。則輕易附庸之國。今有自高陵物欲

人賓伏者。則亦謂之貢高。

塽 同上。通俗文云。沙土入食中曰塽也。第二十六

磯斫 同上。今山東謂骨縮紐者為磯斫子。九



千鈞之弩不為鼯鼠發機

通鑑隋煬紀郭榮

諫曰戎狄失禮臣下之事千鈞云二

註杜襲諫曹操

嘗有是言

屑越

同上唐高祖紀有司曾無愛吝屑越如

此註屑越猶言狼籍而弃之也荀子曰貨財

粟米者彼將日月棲遲薛越之中野我今將

畜積并聚之於倉廩

生狼恐如羊

同上太宗紀上曰諺曰生狼猶

恐如羊注曹大家女誡曰生男如狼猶恐其

羊生女如鼠猶恐其虎蓋古語也

無賴

同上後漢高祖紀注俚俗語謂奪攘苟

得無愧耻者為無賴

籠罩

宋通鑑真宗紀李沆曰苟屈意妄言即

世所謂籠罩也

孤注

同上王欽若曰陛下聞博乎博者輸錢

欲盡乃罄所有出之謂之孤注陛下寇準之

孤注也斯亦危矣

冥子裏

明道雜誌冥二子裏俗謂昏也



恐有遺脫

喏即不敢 劇談錄裴相國遊慈恩寺

之乎者也助得甚事 湘山野錄太祖皇帝將

殿外城幸朱雀門親自規畫獨趙韓王普時

從幸上指門額問普曰何不祇書朱雀門須

著之字安用普對曰語助太祖大笑曰之乎

者也助得甚事

藟苴 金壺字考蕙郎假切苴音鮓蜀人放誕曰

川藟苴

廿 音念二十併也 林 吕忱字

隔是 容齋隨筆樂天詩云江州去日聽箏夜

白髮新生不願聞如今格是頭成雪彈到天

明亦任君元微之詩云隔是身如夢頻來不

為名憐君近南住時得到山行格與隔二字

義同格是猶言已是也



